



TOSHKENT DAVLAT YURIDIK UNIVERSITETI REKTORINING B U Y R U G ' I

21.09.2022

210-tm-son

Talabalar safidan chetlashtirish to'g'risida

2022/2023-o'quv yili kuzgi semestrda chekka hududlardan kelib Toshkent davlat yuridik universitetida tahsil olayotgan talabalar uchun munosib shart-sharoitlar yaratish va ijtimoiy himoya qilish, ularning holidan doimiy xabardor bo'lib borish, talabalarni turar joy bilan ta'minlash tizimini yanada takomillashtirish, ushbu sohada ortiqcha ovvoragarchiliklarni oldini olish hamda Talabalar turar joyiga (keying o'rinlarda – TTJ) joylashtirishda ijtimoiy adolat, tenglik, insonparvarlik, oshkoralikni va shaffoflikni ta'minlash maqsadida universitet rektorining 218-um-son buyrug'i bilan talabalarni TTJga joylashtirish bo'yicha komissiya tarkibi hamda ijtimoiy himoyaga muhtoj oila farzandlarini birinchi navbatda joylashtirishda asos bo'luvchi me'zonlar tasdiqlandi.

Komissiya o'z faoliyatini ushbu mezonlar asosida ijtimoiy adolat tamoyillariga to'liq rioya qilgan holda olib bordi hamda ehtiyojmand oila farzandlarini TTJga joylashtirishga a'lohida e'tibor qaratdi. Bu borada ochiq, oshkora va shaffof tizim yaratildi.

Yuqori bosqich talabalarini TTJga joylashtirishda ortiqcha ovvoragarchiliklarni oldini olish maqsadida ular uchun avgust oyining oxirgi o'n kunligida, o'z hududidan turib elektron tizim orqali hujjat topshirish hamda o'qishi boshlanmasdan turib joy olish imkoni yaratildi.

Shunga qaramasdan ayrim talabalar tomonidan komissiya faoliyati haqida noto'g'ri munosabat, fikr-mulohaza shakllanishiga, universitet obro'siga, universitetda yaratilayotgan ochiq-oshkoralik siyosatiga zarar yetkazadigan qasddan harakatlar qilinib universitet Odob-axloq kodeksida belgilangan me'yorlarni buzish holatlari kuzatildi.

Jumladan, Xususiy huquq fakulteti talabasi Ramazanov Shohzod Rustam o'g'li tomonidan universitet nomini hamda TTJga joylashtirish bo'yicha komissiya faoliyati samaradorligiga salbiy ta'sir ko'rsatuvchi noo'rin ma'lumotlarni ijtimoiy tarmoqlarda joylashtirganligi aniqlandi.

Talaba Sh. Ramazanov o'zi elektron tizim orqali TTJga joylashtirilganligini bila turib, shu bilan birga TTJga joylashtirish bo'yicha yaratilgan tartibdan yaxshi (3 yil davomida TTJda istiqomat qilib keladi) xabardor bo'la turib "tsulsupport" telegram guruhiga "Ha, pul o'ynayaptimi deyman-a? Har yili buncha kategoriya

bilan qo‘yar edikku yoki prorektorni jiyani, kimlarnidir qizi, o‘g‘illarimi? O‘qituvchilarni ukasi, prokurorning o‘g‘li turadi bizda. TTJda aslida muhtojlar turmaydimi? O‘zgarish qilib yubordimi deyman ustozlarimiz?” deya o‘z fikrlarini yozgan.

Universitet Odob-axloq komissiyasi a‘zolari tomonidan talaba Sh.Ramazanovdan mazkur holat yuzasidan tushuntirish olinganida, u “tsulsupport” telegram kanalida Bobojonov Doniyor degan bola “men yoshlar daftarida turaman, lekin TTJdan joy berilmadi” deb yozganidan jahlim chiqib ketdi. O‘zim yotoqxonaga qo‘yilganman deya tushuntirish berdi.

Talaba Ramazanov Shohzod Rustam o‘g‘li o‘zining yuqoridagi xatti-harakatlari bilan Oliy ta‘lim to‘g‘risidagi nizomning (ro‘yxat raqami 1222, 2003-yil 22-fevral) 43-bandi hamda Toshkent davlat yuridik universiteti Odob-axloq kodeksining 14-moddasi (o‘z harakatlarini Universitet manfaatlarini ko‘zlab amalga oshirish, uning imijini saqlash va oshirish, Universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda hamda ijtimoiy tarmoqlardagi yozishmalarida o‘zlarining namunali xulq-atvori bilan Universitet haqida yuksak ijobiy taassurot uyg‘otish; Universitet, uning xodim, talaba va doktorantlari haqida haqiqatga to‘g‘ri kelmaydigan yoki noto‘g‘ri talqin qilingan, noto‘g‘ri talqin qilish uchun imkon beradigan ma‘lumotlarni tarqatmaslik, bunday ma‘lumotlar tarqalishiga yo‘l qo‘ymaslik, shuningdek, jamoat oldida va ijtimoiy tarmoqlarda bu mavzuda chiqishlar qilmaslik; xodim, talaba va doktorantlarning ta‘lim jarayonidagi faoliyati va kasbiy harakatlarini asossiz tanqid qilmaslik, jamoat oldida chiqishlar, shuningdek, ommaviy axborot vositalari va turli xil ijtimoiy tarmoqlarda davlat hokimiyati va boshqaruvi organlari va Universitet faoliyati, uning xodimlari harakatlarini haqiqatga to‘g‘ri kelmaydigan, asossiz va aniq dalillarga asoslanmagan holda muhokama qilmaslik va ular haqida baho berib, fikr-mulohazalar bildirmaslik), 16-moddasi (umumbashariy va milliy qadriyatlarga xos bo‘lmagan yoki Universitet, uning xodimlari nufuziga putur yetkazadigan materiallarni Internet tarmog‘i va boshqa ijtimoiy tarmoqlarga joylashtirish yoki ulardan turli nomuvofiq maqsadlarda foydalanish; Universitet faoliyati, uning xodimlari hamda talabalari sha‘ni va qadr qimmati hamda ishchanlik obro‘sig‘a salbiy ta‘sir qiluvchi haqiqatga to‘g‘ri kelmaydigan, asossiz va tekshirilgan dalillarga asoslanmagan turli xil ko‘rinishdagi ma‘lumot, fikr, mulohaza va munosabatlarni Internet, ijtimoiy tarmoqlar, shuningdek, boshqa ommaviy axborot manbalarida, tarqatuvchilarda, tashuvchilarda paydo bo‘lishi (oshkor etilishi)), 26-moddasi (Universitet obro‘-e‘tibori va nufuziga dog‘ tushiradigan har qanday harakatlarni sodir etishdan o‘zini tiyish)da belgilangan qoidalarni qo‘pol ravishda buzgan.

Yuqoridagilarni inobatga olib, O‘zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta‘lim muassasalari talabalari o‘qishini ko‘chirish, qayta tiklash va o‘qishdan chetlashtirish tartibi to‘g‘risidagi nizomning 36-bandi “g” kichik bandi, Oliy ta‘lim

to'g'risidagi nizomning (ro'yxat raqami 1222, 2003-yil 22-fevral) 51-band, Toshkent davlat yuridik universiteti Odob-axloq kodeksining 14, 16, 26 - moddalari hamda universitet Ichki tartib qoidalari (ichki mehnat tartibi qoidalari)ning 83-bandiga asosan shuningdek universitet Odob-axloq komissiyasi xulosasiga muvofiq,

BUYURAMAN:

1. Universitetning Xususiy huquq fakulteti 3-kurs talabasi Ramazanov Shohzod Rustam o'g'li universitet Odob-axloq kodeksi 14-moddasining ikkinchi, uchinchi, to'qqizinchi xatboshilari, 16-moddasining o'n birinchi va o'n uchinchi xatboshilari, 26-modda sakkizinchi xatboshisi talablarini buzganligi uchun talabalar safidan chetlashtirilsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova) mazkur buyruq mazmun-mohiyatini talabalar e'tiboriga yetkazilishi va har bir akademik guruhda keng muhokama qilinishini ta'minlasin.

3. Xususiy huquq fakulteti dekani (B.Musayev) mazkur talabaning shaxsiy yig'majildiga buyruq nusxasi tikilishini ta'minlasin.

4. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

**O'quv ishlari bo'yicha
prorektor - TDYuU qoshidagi
akademik litsey direktori**



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

B.MUSAYEV



Kelishildi:

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Bosh buxgalter

M.PARPIYEV



Boshqarma boshlig'i

S.BOZAROV



Direktor

X.PIRMEDOVA



yuriskonsult

D.ALIBOYEV



Buyruq bilan tanishdim

B.MUSAYEV

